

**Қазақстан Республикасы Ұлттық Банкінің қысқа мерзімді ноттарын орналастыру, айналысқа шығару және өтеу ережесіне өзгерістер мен толықтыруларды бекіту туралы**

*Күшін жойған*

Қаулы Қазақстан Республикасы Ұлттық Банкі Басқармасы 1998 жылғы 31 желтоқсан N 360 Қазақстан Республикасының Әділет министрлігінде 1999 жылғы 26 шілдеде N 857 тіркелді. Күші жойылды - Қазақстан Республикасының Ұлттық Банкі Басқармасының 2010 жылғы 1 қарашадағы № 88 Қаулысымен

**Ескерту. Күші жойылды - ҚР Ұлттық Банкі Басқармасының 2010.11.01 № 88 Қаулысымен.**

Қазақстан Республикасы Ұлттық Банкінің нормативтік құқықтық актілерін Қазақстан Республикасының қолданылып жүрген заңдарына сәйкес келтіру мақсатында Қазақстан Республикасы Ұлттық Банкінің Басқармасы қаулы етеді:

1. Қазақстан Республикасы Ұлттық Банкі Басқармасының 1997 жылғы 30 маусымдағы N 246 қаулысымен бекітілген Қазақстан Республикасы Ұлттық Банкінің қысқа мерзімді ноттарын орналастыру, айналысқа шығару және өтеу ережесіне өзгерістер мен толықтырулар бекітілсін және Қазақстан Республикасының Әділет министрлігінде мемлекеттік тіркеуден өткізілген күннен бастап күшіне енгізілсін.

2. Монетарлық операциялар департаменті (Әлжанов Б.А.):

1) Заң департаментімен (Сизова С.И.) бірлесіп осы қаулыны, сондай-ақ аталған өзгерістер мен толықтыруларды Қазақстан Республикасының Әділет министрлігінде мемлекеттік тіркеуден өткізсін;

2) осы қаулыны және аталған өзгерістер мен толықтыруларды Қазақстан Республикасының Әділет министрлігінде мемлекеттік тіркеуден өткізген күннен бастап бір апта мерзімде Қазақстан Республикасы Ұлттық Банкінің облыстық филиалдарына және екінші деңгейдегі банктерге жіберсін, оларға осы қаулыны және аталған өзгерістер мен толықтыруларды алған күннен бастап бір апта мерзімде бағалы қағаздар рыногының кәсіби қатысушыларына жіберуді м і н д е т т е с і н .

3. Осы қаулының орындалуын бақылау Қазақстан Республикасының Ұлттық Банкі Төрағасының орынбасары М.Т. Құдышевке жүктелсін.

Ұ л т т ы қ                      Б а н к

Төрағасы

Тіркеу N \_\_\_\_

**Қазақстан Республикасы Ұлттық Банкінің қысқа мерзімді ноттарын  
орналастыру, айналысқа шығару және өтеу Ережесіне өзгерістер мен  
толықтырулар**

Қазақстан Республикасы Ұлттық Банкінің Қазақстан Республикасы Ұлттық Банкі Басқармасының 1997 жылғы 30 маусымдағы N 246 қаулысымен бекітілген қысқа мерзімді ноттарын орналастыру, айналысқа шығару және өтеу Ережесіне (бұдан әрі - Ереже) мынадай өзгерістер мен толықтырулар енгізілсін:

1. Ереженің кіріспесіндегі және бүкіл қазақша мәтініндегі "Ұлттық Банк" сөздері өзгеріссіз қалдырылсын.
2. Ереженің бүкіл мәтініндегі және оларға N 1 және N 4 қосымшадағы "Мемлекеттік бағалы қағаздардың басқармасы", "Ұлттық Банктің мемлекеттік бағалы қағаздарының басқармасы", "Ұлттық Банктің мемлекеттік бағалы қағаздарының басқармасына" деген сөздер тиісінше, "Ұлттық Банктің мемлекеттік бағалы қағаздармен операция жүргізуге өкілетті бөлімшесі", "Ұлттық Банктің мемлекеттік бағалы қағаздармен операция жүргізуге өкілетті бөлімшелері", "Ұлттық Банктің мемлекеттік бағалы қағаздармен операция жүргізуге өкілетті бөлімшесіне" деген сөздерге ауыстырылсын.
3. Ереженің 2.4 тармағы "Алғашқы агенттерге" деген сөздерден кейін "және Бағалы қағаздардың орталық депозитарийі ЖАҚ-ына (бұдан әрі - Орталық депозитарий)" деген сөздермен толықтырылсын.
4. Ереженің бүкіл мәтініндегі "Депозитарий" сөзі тиісті септікте "Орталық Депозитарий" сөздеріне ауыстырылсын.
5. Ереженің 2.12. тармағы мына редакцияда жазылсын:

"2.12. Ұлттық Банк аукцион шарттарын жариялаған кезде қаржы рыногында қалыптасқан жағдайға сүйене отырып бәсекеге түспейтін өтінімдерді қанағаттандыру үлесін, сондай-ақ Алғашқы агенттерге және резидент емес инвесторларға Ұлттық Банктің қысқа мерзімді ноттарын сату көлемінің үлесін өзі белгілейді.

Ұлттық Банктің қысқа мерзімді ноттар аукционының Ұлттық Банктің қысқа мерзімді ноттарын Алғашқы агенттердің немесе инвесторлардың сатып алуын, резидент еместердің қатысуын және бәсекеге түспейтін өтінімдердің қанағаттандырылуын шектеуге қатысты жарияланған шарттарын Ұлттық Банк

жедел, аукцион өткізілген күні өзгертуге құқылы".

6. Ереженің 2.15. - 2.19 тармақтары мына редакцияда жазылсын:

"2.15. Ұлттық Банк Ұлттық Банктің қысқа мерзімді ноттарын өткізілетін аукционның орташа алынған дисконттелген бағасы бойынша келесі жұмыс күні қосымша орналастыруға құқылы.

2.16. Ұлттық Банктің мемлекеттік бағалы қағаздармен операция жүргізуге өкілетті бөлімшесі Ұлттық Банктің қысқа мерзімді ноттарын сатып алуға арналған өтінімдерді қанағаттандыру көлемі туралы хабарламаны Алғашқы агенттерге және Орталық депозитарийге Ұлттық Банктің қысқа мерзімді ноттарының аукционы өткізілетін күнгі сағат 15.30-ға дейін береді.

2.17. Ұлттық Банктің мемлекеттік бағалы қағаздармен операция жүргізуге өкілетті бөлімшесі және Ұлттық Банк Ұлттық Банктің қысқа мерзімді ноттарын сатып алуға арналған өтінімдердің қанағаттандырылған көлемі туралы хабарлама негізінде оларды шығару талаптарына сәйкес Ұлттық Банк белгілеген төлем жасау күнгі сағат 17.00-ден кешіктірмей Орталық депозитарийге Ұлттық Банктің қысқа мерзімді ноттарын сатып алуға арналған ақшаны аударатын "депо" тапсырмасын және Ұлттық Банктің қысқа мерзімді ноттарын Алғашқы агенттің "депо" есепшотына жазылуын береді.

2.18. Орталық депозитарий тура сол күні Ұлттық Банктің қысқа мерзімді ноттары аукционының және Ұлттық Банктің қысқа мерзімді ноттарын Алғашқы агенттің "депо" есепшотына жазылу қорытындысы бойынша Ұлттық Банктен және Алғашқы агенттерден ақша аударуға арналған "депо" тапсырмаларының түсуіне қарай оларды салыстырып тексереді және салыстырып тексерудің нәтижесі бойынша ақша аударудың банкаралық жүйесіндегі Алғашқы агенттің позициясынан (бұдан әрі - Алғашқы агенттің позициясы) ақшаны есептен шығаруға және оларды ақша аударудың банкаралық жүйесіндегі Орталық депозитарийдің позициясына (бұдан әрі - Орталық Депозитарийдің позициясы) жазуға арналған төлем тапсырмасын қалыптастырып, оны Қазақстан банкаралық есеп айырысу орталығына береді.

Ұлттық Банк пен Алғашқы агенттің Орталық депозитарийге берген "депо" тапсырмалары сәйкес келмеген жағдайда Орталық депозитарий ақшаны Алғашқы агенттің позициясынан есептен шығаруға және оны Орталық депозитарийдің позициясына жазуға арналған төлем тапсырмасын тапсырмалардың сәйкес келген тармақтары бойынша ғана Қазақстан банкаралық есеп айырысу орталығына береді.

2.19. Орталық депозитарийге берген төлем тапсырмалары негізінде Қазақстан банкаралық есеп айырысу орталығы ақша аударудың банкаралық жүйесінде Алғашқы агенттің ақшасының барлығын төлем тапсырмасында көрсетілген ақша сомасымен салыстырып тексереді. Алғашқы агенттің ақшасы жеткілікті болған

жағдайда Қазақстан банкаралық есеп айырысу орталығы Алғашқы агенттің ақшасын ақша аударудың банкаралық жүйесіндегі Орталық депозитарийдің позициясына аударды. Орталық депозитарий өзінің позициясына ақша жазылғаннан кейінгі 15 минуттің ішінде Ұлттық Банктің пайдасына ақша аударылғаны туралы төлем тапсырмасын жасап, оны Қазақстан банкаралық есеп айырысу орталығына жібереді.

Банкаралық есеп айырысу орталығындағы Алғашқы агенттің ақшасы жеткілікті болмаған жағдайда Орталық депозитарий ақшаның жетіспейтіндігі туралы Қазақстан банкаралық есеп айырысу орталығынан алынған хабарлама негізінде тапсырманың орындалмағаны туралы Ұлттық Банкке және Алғашқы агентке хабарлама жібереді."

7. Ереже мына мазмұндағы 2.19-1, 2.19-2, 2.19-3 тармақтармен толықтырылсын:

"2.19-1. Орталық депозитарий ақша аударудың банкаралық жүйесіндегі өзінің позициясынан ақшаны есептен шығару туралы Қазақстан банкаралық есеп айырысу орталығынан алынған хабарлама негізінде Ұлттық Банктің қысқа мерзімді ноттарын Алғашқы агенттің "депо" есепшотына жазады.

2.19-2. Ұлттық Банктің қысқа мерзімді ноттарын Алғашқы агенттің "депо" есепшотына жазғаннан кейін Орталық депозитарий Ұлттық Банкке және Алғашқы агенттерге Ұлттық Банктің ақша аударудың банкаралық жүйесіндегі позициясына (бұдан әрі - Ұлттық Банктің позициясына) Ұлттық Банктің аукционда сатып алынған қысқа мерзімді ноттарын төлеу және Ұлттық Банктің қысқа мерзімді ноттарын Алғашқы агенттің "депо" есепшотына жазу есебіне ақша жазылғаны туралы хабар жібереді.

2.19-3. Орталық депозитарийден деректерді берудің электрондық жүйесі арқылы Ұлттық Банктің позициясына Ұлттық Банктің аукционда сатып алынған қысқа мерзімді ноттарын төлеу және Ұлттық Банктің қысқа мерзімді ноттарын Алғашқы агенттің "депо" есепшотына жазу есебіне ақша аударылғандығы туралы хабар алғаннан кейін, Алғашқы агенттер, егер инвестордың Алғашқы агентпен жасаған шартында өзгеше көзделмесе, инвесторға оның Ұлттық Банктің қағаз жазбадағы қысқа мерзімді ноттарын меншіктену құқын растайтын куәлік б е р е д і . "

8. Ереженің 3.1. тармағы мына редакцияда жазылсын:

"Ұлттық Банктің қысқа мерзімді ноттарын айналымға шығару Алғашқы агенттердің Ұлттық Банктің аукционда сатып алған қысқа мерзімді ноттарын төлеу үшін Ұлттық Банк белгілеген және осымен бір мезгілде Ұлттық Банктің қысқа мерзімді ноттарын орналастыру нәтижесі бойынша Алғашқы агенттің Орталық депозитарийдегі "депо" есепшотына жазылған күннен басталады."

9. Ереженің 3.3-1. тармағы мына редакцияда жазылсын:

"3.3-1. Ұлттық Банктің қысқа мерзімді ноттары өтелген күнгі жұмыс күніндегі сағат 17.00-ден кешіктірмей Алғашқы агенттер Ұлттық Банктің өздеріне тиесілі өтелуге тиісті қысқа мерзімді ноттары және банктік деректемелері туралы мәліметтерді Орталық депозитарийге береді."

10. Ереженің 3.4 тармағы мына редакцияда жазылсын:

"Ұлттық Банктің қысқа мерзімді ноттары өтелген күнгі жұмыс күніндегі сағат 17.00-ден кешіктірмей Орталық депозитарий Ұлттық Банктің мемлекеттік бағалы қағаздармен операция жүргізуге өкілетті бөлімшесіне Ұлттық Банктің қысқа мерзімді ноттарының эмиссиясының болашақта өтелетіндігі туралы мәліметті эмиссиядағы бағалы қағаздардың санын, өтелуге тиісті соманы және Орталық депозитарийдің банктік деректемелерін көрсете отырып береді."

11. Ереженің 3.5. тармағы мына редакцияда жазылсын:

"Ұлттық Банктің қысқа мерзімді ноттары өтелген күні Ұлттық Банк сағат 11.00-ге дейін өтелу туралы мәліметтерге сәйкес Орталық депозитарийдің позициясына ақша аударарды."

12. Ереже мына мазмұндағы 3.5-1. және 3.5-2. тармақтармен толықтырылсын:

"3.5-1 Ұлттық Банктің қысқа мерзімді ноттарын өтеу үшін Орталық депозитарий өздерінің номинальдық құны бойынша Алғашқы агенттердің позициясына өтелетін күнгі сағат 12.00-ге дейін ақша аударарды.

3.5-2. Орталық депозитарий Ұлттық Банктің қысқа мерзімді ноттарын өтеу үшін ақша аударумен бір мезгілде Ұлттық Банктің қысқа мерзімді ноттарын Алғашқы агенттердің "депо" есепшоттарынан есептен шығарарды (өтейді)."

13. Ереженің 3.6. тармағы мына редакцияда жазылсын:

"Ұлттық Банктің қысқа мерзімді ноттары өтелгеннен кейін Орталық депозитарий Ұлттық Банкке өтелгендігі туралы хабар жібереді."

14. Ереже жобасының N 1 қосымшасы мына мазмұндағы 2.1.3-1. Тармақпен толықтырылсын:

"2.1.3-1. Ұлттық Банктің қысқа мерзімді ноттары номинальдық бағасы бойынша өтелетін күні сағат 12.00-ге дейін өтелсін."

15. N 1 қосымшаның 2.2.2. тармағы мына редакцияда жазылсын:

"2.2.2. Алғашқы агент қолданылып жүрген Ережені бұзған, сондай-ақ осы Шарттың 2.4.2-1 тармағын орындамаған немесе Ұлттық Банктің қысқа мерзімді ноттарының аукционына түсірілген өтінімдерге төлем жасауға ақша аударудан ішінара бас тартқан жағдайда, Алғашқы агент Ұлттық Банктің қысқа мерзімді ноттарының 5 аукционына қатыстырудан біржақты тәртіппен шеттетілсін;"

16. Ереженің N 1 қосымшасы мынадай мазмұндағы 2.4.2-1-тармақпен толықтырылсын:

"2.4.2-1 Алғашқы агент өз қызметін орындап жүрген кезде қатарынан үш

аукционды жібермей Ұлттық Банктің қысқа мерзімді ноттарының аукционына қ а т ы с с ы н " .

17. Ереженің N 3 қосымшадағы "проценттік ставка" деген сөздер "сыйақы ( мүдде) ставкасы" деген сөздермен ауыстырылсын.

18. Ереженің N 4 қосымшасындағы "Ұлттық Банктің мемлекеттік бағалы қағаздар басқармасының бастығы" деген сөздер мынадай сөздермен ауыстырылсын:

"

---

Мемлекеттік бағалы қағаздармен операциялар жүргізуге уәкілетті

"

---

ҚРҰБ бөлімшелері басшыларының лауазымды, аты-жөні  
19. Ережеге N 5 қосымша алынып тасталсын.

Ұ л т т ы қ Б а н к

Төрағасы

О қ ы ғ а н :

Багарова Ж.А.